



Broj: 22-04-44-1-74/19  
Sarajevo, 16.03.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 07:00 sati 15.03.2019. do 07:00 sati 16.03.2019. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a, dana 15.03.2019. godine u 08:25 sati, od Službe civilne zaštite općine Hadžići, da je u naselju Hadžići pronađena 1 ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji će pronađeno eksplozivno sredstvo preuzeti u narednom periodu.

**Profesionalna vatrogasna jedinica Kantonalne uprave civilne zaštite Kantona Sarajevo.** U izvještajnom periodu PVJ je imala 9 manjih intervencija, i to 8 požarnih i 1 tehničku intervenciju: gašenje trave i niskog rastinja (3 intervencije), gašenje smeća u kontejnerima (3 intervencije), gašenje smeća u napuštenom devastiranom objektu (1 intervencija), gašenje manjeg požara u vjerskom objektu – kapelici (1 intervencija).

Tehnička intervencija se odnosila na nasilno otvaranje vrata stana po zahtjevu policije.



**JU Zavod za javno zdravstvo Kantona Sarajevo:** U periodu od 04.03.2019. do 10.03.2019. godine ukupno je na području Kantona Sarajevo prijavljen 71 slučaj zaraznih bolesti obaveznih prijavi, i to: 5 angina streptoc. (streptokokna angina), 7 enterocolitis ac. (enterokolitis), 9 herpes zoster (šindre), 1 HBV (hepatitis B), 2 mononucleosis (mononucleoza), 32 morbilli (ospice), 3 nosocomial infections (bolničke infekcije), 7 scabies (svrab, šuga), 3 scarlatina (šarlah), 1 TBC (tuberkuloza) i 1 toxiinfectio al. (trovanje hranom).

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 07:00 sati temperatura u Sarajevu je iznosila +4°C, vlažnost zraka 71%, a barometarski pritisak 939 hPa.

**BIHAMK:** Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA  
DEŽURNI OPERATIVAC

**Mirsad Biberović**

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a



---

web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1